

1410187

DISPUTATIO INAUGURALIS

2

De

IVRE PATRONATUS ECCLESIASTICO, TEMPORIBVS
MAXIME NOSTRIS AC-
commodata,

QVAM

Divina favente gratia & clementia,

DECRETO NOBILISSIMÆ ET AMPLIS-
simæ in florentissima Argentoratensi
facultatis Juridicæ,

PRO SUMMIS IN VTROQUE IVRE PRIVILE-
giis & honoribus DOCTORALIBUS ritè
obtineendis

Discutiendam proponit

DIETERICH HEVCHELIN NEOBVRO-
PALATINUS.



ARGENTORATI,

Excudebat PAULUS LEDERTZ,

M. DC. XXVIII.





Σύν Γρά

DE JURE PATRONA- TVS ECCLESIASTICO.

THESIS I



Uris patronatus usus quam sit necessarius, *Usus juris*
quamque frequens, nemo est qui nesciat: quippe cum *patrona-*
Ecclesiarum constructionem & dotationem maxime *ius*
promoveat, patronorum quoque jus firmiter tueatur.

Hac inducti cum frequentia, tum necessitate, statuimus præsentia de Jure patronatus Ecclesiastico, eius causis, effectis, subiectis, adiunctis &c. disputationis loco proponere, observato ordine & modo decenti.

2. Ne autem in ipso disputationis limine *quatuor* vocabu- *Explicatio*
li prætermissa errorem gignat, paucis illam explicabimus. In jure *quatuor*
civili duplicem habet significationem, 1. Sumitur pro Domino
servum manumittente, ex qua manumissione Jus patronatus ori-
tur, quod quale sit à Dd. latè explicatur in ff. & C. tit. de iur. patr.
2. PATRONI dicuntur causarum advocati & defensores, ut est
text. in l. rem novam 14. §. patroni. 1. C. de jud. quo sensu etiam sæ-
piùs apud latinos authores usurpatum legimus, ut apud Cic. pro S.
Roscio. His de causis ego huic causæ patronus extiti. In jure Can-
similiter duabus significationibus scriptum invenimus. 1. in cap.
dilecta 14. de excess. prel. PRO SUPERIORE in aliquo collegio:
ut abbate, prælato vel etiam abbatissa. 2. In tit. de jure patr. quæ
significatio est huius loci propria, & subiectum circa quod.

Historiæ vocabulum PATRONUS accipiunt pro eo, qui ci-
vitates, nationes, insulasvè in fidem suscepit defendendas, quo

modo familia Marcellorum patrona fuit Insula Sicilia. Et hodie in tetrīs Imperii civitates imperiales pleræque, præsertim minores, suos habent patronos & defensores, Schuß, vnd Schirms Herren. Gail. 2. Obs. 54. per tot.

*Definitio
vrigens.*

3. Sic ergo explicata homonymia bene sequitur definitio. Circa quam dandam maxima est Doctorum, ut semper fieri consuevit, pugna, alio alium corrigente, carpente, & definitionem ut inconvenientem pronunciante. Definitionem Hostiensis, quæ dicit, Jus patronatus esse potestatem præsentandi instituendum ad beneficium simplex & vacans, rejiciunt Joh. Andr. & Dom. Cardin. ex hoc, quod non exemplificet totam quidditatem & substantiam definiti, ut latius exponit Rochus de Curte in eleg. suo de iure Patr. in pr. num. 1. Eandem subit fortunam definitio Goffredi talis: Jus patronatus est autoritas sive potestas providendi Ecclesiæ, proveniens ex beneficiis ante consecrationem ipsi Ecclesiæ collatis. Carpent enim prædicti Dd. verbum providendi, & verbum ex beneficiis. Unica illa transit sine inferiori quapiam reprehensione, quam habet Sebast. Medic. in tract. defin. 56. & sequitur Tholos. in syntag. l. 17. cap. 4. num. 1. videlicet, quod sit jus honorificum, onerosum & utile, competens alicui in Ecclesia, pro eo, quod de diocesani consensu Ecclesiam fundavit, construxit, vel dotavit ipse, vel is à quo causam habet, solus vel cum alio concurrente.

*Differt ab
Electione.*

4. Et quod ad ulteriora aditum planiorem faciamus, paucis trademus, in quibus potissimum Jus patr. ab Electione, institutione, confirmatione, postulatione, & nominatione differat.

1. AB ELECTIONE differt ratione beneficiorum, quod hæc est alicuius persone ad dignitatem vel fraternam societatem idoneæ, servata forma canonicè facta vocatio. Et locum habet semper in collegialibus Ecclesiis & beneficiis, in quibus Jus patronatus haberi nequit, quemadmodum in simplicibus beneficiis. c. Messana. 58. de elect. Atque hoc verum est, quoad præsentationem rectoris Ecclesiæ collegiatæ, ubi tamen patroni circa jam factam electionem non indecenter postulatur assensus c. sacrosancta in cod. non quoad honores & similia, item quoad alia beneficia, ut not. Abb. in cap.

*Quæ Eccl.
sic dicatur
collegiata
& simplex
exp. in
T. l. 1. r.
de benef.
Ecclesiæ.
num. 14.*

cap.

zum Ecclesia Pulcrana 31. d. t. Et bene notandum, quod in Ecclesia collegiata patronus nunquam possit acquirere jus eligendi consuetudine contraria, quia illa dici debet potius corruptela. d. c. *Messana*.

2. Differt ab INSTITUTIONE, ut prius & posterius. Institutio enim est presentati à patrono confirmatio facta per Episcopum. Institutio ergo est presentationis q. complementum, & perfectio in hoc, quod presentatus à patrono tum demum potest administrare sacra, si institutio facta fuit.

*Institutio
ne.*

3. Differt à CONFIRMATIONE ratione beneficiorum. Confirmatio enim est electionis prius factæ corroboratio à competente facta, de qua latè Host. in sum. de confirm. util. vel inut. Breviter, quod electio est in beneficiis collegiatis, id jus patronatus in simplicibus: Et quod institutio in simplicibus, id confirmatio in collegiatis.

Confirmatio.

4. Differt à COLLATIONE Ecclesiæ vel patronatæ, vel non patronatæ. Collatio namque locum habet in non patronata, presentatio verò in patronata. Est enim collatio libera beneficiorum concessio, quæ fit ab Episcopo in Ecclesia libera, vi sua diocesana, quæ regulariter Episcopo competit in omnibus Ecclesiis in suo territorio positis. c. omnes basilica. 16. quest. 7. Tholof. de Benef. Ecclesiast. cap. 39.

Collatio

5. A POSTULATIONE differt ratione personarum, quibus beneficia conferenda sunt. Nam postulatio est alicuius personæ, quæ eligi prohibetur, non propter vitium perpetuum, sed propter defectum qualitatis, qui tamen postulatum non omnino inhabilem reddit, concors & canonica, à capitulo petitio. Est ergo postulatio gradus quidam & accessus ad electionem beneficii ipsam, quæ habilitatur postulatus ad eligendum, ut ipsi quasi spes quædam fiat certa de electione. Pro facilio conceptu similia ponam duo, unum ex jure civili alterum ex feud. In jure civili simile est in SPONSALIBUS ab impubere celebratis. in l. sponsalibus 14. ff. de spons. Nam sicuti impubes nuptias contrahere prohibetur propter immaturam ætatem, in pr. Inst. de Nupr. sponsalia tamen celebrare non prohibetur, quibus de futuri nuptiis certior redditur. Ita minor triginta annis, quamvis ad Episcopalem dignitatem promovendus & eli-

*Postulatio
ne.*

gendus non sit. *c. cum in cunctis in pr. de elect. postulari tamen potest, non obstante ætate minori. Inst. Can. de postul. §. sciendum 2.* In jure feudali similis est spes facta alicui à domino feudi sibi aperiendi. *Mit der Anwartsung eines Lehens. de qua est text. in c. Moribus. si de feud. defunct. Gail. 2. obs. 55. n. 2.* Quod tamen non est intelligendum, quasi ex postulatione jus acquiratur postulato petendi beneficium, prout illud habet, qui sponsalia celebravit. beneficia enim non vacantia promitti non debent. *c. 2. de concess. præbend.*

*Id. c. Apo-
stolica. 8.
quest. 1.*

*Nominati-
one.*

6. Differt à NOMINATIONE, multitudine personarum præsentandarum. Nam qui jus præsentandi habet, ille unicum saltem præsentare potest una vice: qui verò jus nominandi, duos, tres aut plures præsentare potest, ex quibus deinde liberum est Episcopo, uni gratificari. Hinc nominatio est duorum, trium vel plurium, ut idoneorum, electionis causa expressio. Tholos. in Synt. l. 17. cap. 12. num. 4. Quale jus habent status Imperii in constitutione Assessorum Cam. Imp. Nam ibi postquam unus desiit esse assessor, status vel circulus Imperii, cuius assessor officium deposuit, duos aut tres alios idoneos nominare debet, ex quibus deinde Judex & Assessores unum eligunt. *Ord. Cam. p. 1. t. 4. §. Wo auch.* Valde affinis est institutioni & confirmationi ORDINATIO, quæ plerunque cum institutione coniuncta est, quando scil. per preces solennes & manuum impositionem publicum ministerii munus examinatis & dignis committitur. Quæ an necessaria sit, an vero adiaphora & indifferens, vid. apud Theolog. *sub tit. de Ministr. Eccles.* ubi contra Pontificios, & imprimis Bellarminum disputant.

*Ordinatio.
nr.*

5. Ut verò ordo aliquis sit subsequentium. 1. trademus modos acquirendi, ubi simul de persona acquirentis agetur. 2. Onera, honores, & utilitates Juris patronatus, ubi de adiunctis. 3. Modos amittendi, vel in perpetuum, vel pro una vice. 4. Usus forenses.

*Modo ac-
quirendi
Fundatio.*

6. Primò dicitur de MODIS ACQUIRENDI, quæ varii sunt & diversi. Inter quos primus est FUNDATIO, cum quis fundum & locum, ubi ædificata est Ecclesia, concessit & assignavit. *c. nobis 25. vers. pro fundatione h. t. Guil. Redoa. de Simon. ment. c. 28. num. 4.* Secundus est EXTRUCTIO. h. e. cum quis suis sumptibus Ecclesiam ædificari curavit. *c. nobis 25. in pr. h. t.* Ubi requiritur

*Extructio,
ubi requi-
ritur.*

1. RELIGIO ÆDIFICANTIS ORTHODOXA. Paganus, enim Turca, Judæus, hæreticus, & qui à fide separatus est, privilegiis Christianorum non utitur, l. *quicumque* 8. §. *Vniuersi* 3. C. de *hæret.* Hæretici uniuersi non Ecclesias, non monasteria sibi construunt, ne quod in gloriam DEI cœptum est, id ad nominis eius profanationem vertatur. N. 67. c. 1. in fin. 2. DIÆCESANI CONSENSUS d. c. nobis. *Ioh. de Selv. de benef. quæst. 6. n. 14. part. 1.* Nemo enim Ecclesiam ædificet, antequam Episcopus civitatis veniat, publicè atrium designet, ibidemq; crucem figat, & ante præfiniat, qui ædificare vult, quid ad luminaria, & ad custodiam, & ad stipendia ministrorum conferre velit. c. *nemo* 11. dist. 1. de *Consecr.* §. *sacra* 8. Inst. de rer. divis. N. 67. per duo cap. prior. ubi etiam hæc allegatur causa, ne videlicet speluncæ, illicitæ, & non orthodoxæ Ecclesiæ ædificentur. D. N. c. 1. in fin.

Religio ædificantis orthodoxa. An illegitimi jussu patronatus obtinere possint, vid. apud Gab. Palæ. & lib. de Nothis. c. 58. num. 8. Diæcesani consensus.

7. Prædicta observanda sunt in terris pontificiæ Religionis addictis, ubi non consensus principis territorii, des. Landes Fürsten vnd Oberherren/ sed Episcopi requiritur. per jur. alleg. Hodie post sancitam pacem religiosam, & suspensam jurisdictionem Clericorum Ecclesiasticam, quoad territoria Augustanæ confessioni mancipata, si cui ex Lutheranis, ut vocant, qui S. R. J. mediatè subiectus est, animus sit domum orationis exædificare, principem territorii adgat, & de consensu ad ædificium impetiendo supplicet, quo impetrato liberè opus aggrediatur. Sed quæstionis hinc est, An in eiusmodi casu patronus etiam instituendi jus habeat, an verò illud ad principem loci pertineat? Ad quod dubium pro tenui facultate respondeo, pertinere jus instituendi ad principem, sic ut debeat patronus præsentatum ad consistorium, vel superattendentem remittere, à quo examinetur & ordinetur. Huius assertionis rationem deduco 1. ex eo, quod eius est institutio, cuius datio consensus, Atqui in hoc casu p̄ncipis est consensus. E. & institutio. Et ita observari locis in plerisque patet ex Ecclesiarum ordinationibus. KirchenOrdnungen. quarum quædam etiam hoc statuunt procedere in Jure patronatus stante adhuc Papatu acquisito. Neuburg. KirchenOrdnung. tit. Von dem Predigampt/ §. Zum anderen/wiewol wir. Hessische KirchenOrdnung/ sub tit. Von annehmung vud beurlaubung der Prædicanten. quam transcripsit Reinköng. l. 3. cl. 1.

cl. 1. de Regim. Eccles. c. 9. num. 57. Secundò probatur ex eo, quod vi transactionis Passaviensis de Anno 55. examinatio & institutio, ut pote species Jurisdict. Ecclesiasticæ, (quod expressis verbis dicitur in alleg. ord. Hassia. §. Jedoch dieweil. &c.) in principes loci & territorii sunt translata, Episcopis verò adempta. Sin verò aliquis immediatè subiectus est, & Ecclesiam extruere cogitat, nullius consensu opus habet, sed illud suo jure facere potest, in tantum, ut etiam instituendi jus habeat. Quamvis etiam immediatè Imp. subiecti futurum Ecclesiæ ministrum ad proximum ministerium & collegium Ecclesiasticum remittant examinandum & ordinandum, illi præsertim qui vel unicam saltem Ecclesiam sub sua jurisdictione habeant. welche nicht mehr als eine Pfarz zubestellen haben/quod tamen nullum jus collegio tribuit, sed liberum est cuique suos ed remittere, quò volet, cum sit actus meræ facultatis.

8. Et hic consensus est expressus: qui quanquam in ædificanda Ecclesia requiratur: semper tamen ubi apparet, quod Ecclesia habet campanile, vel alia Ecclesiæ signa, præsumitur auctoritas & consensus Episcopi intervenisse. *Selv. d. quest. 6. num. 49. & 50. per jur. ibid. allegat.* præsertim quando constat scivisse Episcopum, id quod actum est, & nullam habuisse causam ad contradicendum. *c. nullus 17. b. r.* Nisi enim iusta contradicendi causa subsit, ad consensum compelli potest. *d. c. nullus.*

Dotatio.

9. Tertius acquirendi modus est D O T A T I O. Quæ fieri debet ab ipso extructore & ædificatore Ecclesiæ: (quanquam & ab alio fieri possit,) qui enim Ecclesiam aggreditur ædificare, ipso facto videtur se obligare ad eam dotandam, non aliter, quam pater generans filiam *c. pie mentis 16. quest. 7. c. nemo 51. dist. 1. de Consecr. c. cum sicut 8. de Consecr. Eccles. vel alt.* Quo etiam cap. 8. utitur Paulus de Citadinis in tract. suo de Jur. Patron. caus. acquir. secund. quest. 7. num. 34. contr. gl. ad d. c. pie mentis. quod ob favorem Ecclesiarum etiam post consecrationem possit dotari, ad hoc, ut ius patronatus acquiratur, retrahendo videlicet dotationem ad illud tempus primum, perinde ac si ab initio facta fuisset ante consecrationem. *Tholof. tract. de benef. Eccles. c. 17. num. 4.* Nec obstat, quod *L. servitutes 14. in fin.* dicit: Servitutes per loca religiosa nulli deberi: hic enim non constituitur servitus nova, quæ rem sacram

aut

ant religiosam profanet, eiusque conditionem deteriore reddat, multò minus ipsi adversetur, aut contraria sit, quod adducit *gl. ibid. profund. part. negat.*

10. Et cum Datatio ad substantialia Ecclesiæ referatur, quâ non esse ad esse producitur; (sano tamen loquendi sensu) Episcopus sanè in constructione novæ Ecclesiæ maximè providere debet, ut bona fundatoris aut ædificatoris ad dotationem quoque sufficiant, ne si idoneam pro dote cautionem exigere omittat, vel sine dote Ecclesiam consecret, ipse eam dotare teneatur, sicut tenetur providere illi, quem ordinavit sine titulo. *c. Episcopus 4. de preb. & dign. gl. ad c. 8. de consecr. Eccles.* Quod tamen verum dicit esse ibidem *gl. 1.* dum modo fiat sine latione Ecclesiæ, cui Episcopus præest, ne delictum personæ in damnum Ecclesiæ convertatur. *c. si episcopum 16. quest. 6. 2.* facultates fundatoris prius sint excusæ, nec sufficientes ad dotandum inventæ; aliàs enim ad dotationem ipse cogetur. *c. pie mentis 16. quest. 7.* Ut & hæres eius, qui fundavit, votumque obligationem ad hæredem transire constat. *l. 2. in fin. l. 9. ff. de pollicit. Tholof. de benef. Eccles. c. 15. n. 3.* ubi latè de Ecclesiæ dote.

11. Atque hi tres acquirendi modi, vel in unam concurunt personam, quod unus idemque & fundat, & ædificat, & dotat: quo casu & sibi soli jus Patronatus acquirit: vel sunt in diversis personis. Cum absurdum non sit, unius Ecclesiæ plures esse patronos, si videlicet plures sufficienter eum dotaverint, aut unus fundaverit, alius ædificaverit, tertius verò dotaverit; quomodo etiam ils omnibus jus patronatus æqualiter competit, non observato eo, quod unus parum posuit in dote constituenda, alius multum, dum modo de his fuerit, qui aliquid posuerunt in dote constituenda, ut loquitur Innocent. pater veritatis, in *c. perlatum. l. n. 2. & seqq. h. r.* Ubi simul addit, quod ratione dignitatis & maioris dotis fieri possit, ut unus patronorum duas habeat voces vel plures in præsentatione. Et si plures sunt patroni, super tali jure inter se convenire possunt, ut alternis vicibus præsentent. *Cl. plures 2. h. r.* quæ conventio realis est, non personalis, ut etiam ad hæredes & successores transferatur.

12. Quartus acquirendi modus est **VENDITIO CUM UNIVERSITA-** *Venditio cum universitate.*

B

VERSITA-

Venditio cum universitate.

VERSITATE. Cùm enim jus sit non merè temporale, sed spiritu-
alibus adnexum, *c. de jure 16. eod.* & propterea ipsum etiam cense-
atur esse spirituale. *l. qua religiosis. 43. ff. de R. V.* quia mixtum se-
quitur naturam simplicis dignioris. *Gail. 1. Obs. 38. n. 7.* per se vendi
non potest. *l. & liberi 4. ff. de contr. empt. gl. ad cl. c. 16. c. cum se-
culum. 13. h. t.* Quod si emitur vel venditur specialiter, simonia est,
& debet emptor tali jure empto spoliari, ecclesia verò efficitur libe-
ra. *Innoc. in c. quia clerici 6. d. t.* & sic excutiendo jugum patro-
natus, erit patrona sui ipsius effecta. *Guil. Redo. de simon. ment. p. 3. c.*
13. num. 8. & seqq. Ubi pluribus examinat modum faciendæ vendi-
tionis, quem hic refero. Et quod dictum est, jus patronatus per u-
niversitatem transferri, ampliatur procedere eo casu, ut si consistat
in aliqua universitate temporalium, & universitas transeat solum,
quoad dominium utile, etiam jus patronatus transit, nisi speciali-
ter sit exemptum. *c. ex literis. 7. cum gl. ibid. b. t. Sichard. consfend.*
ult. ubi sequitur in terminis.

Successio.

13. Sextò acquiritur Successione vel testamentaria vel
ab intestato, hæredibus suis & extraneis, masculis & fœminis,
argum. c. perlatum. 1. h. t. c. filius. 16. quest. 7. qui omnes coniunctim
pro una habentur persona, in stirpe quæ succedunt, non in capita
Cl. fin. h. t. Quia enim res simplex est & indivisibilis, ad quemlibet
hæredum, etiam ex inæqualibus partibus in solidum transit, quoad
omnem eius effectum, honorem putà, onus & emolumentum, præ-
terquam quoad præsentationem, quæ ita est apud omnes simul,
quia apud nullum singulariter. *Innoc. in c. perlatum. 1. num. 2. & 3.*
Non tamen hæredibus est concessum, in patronatis Ecclesiis à præ-
cessoribus institutos absq; causa deponere. absurdum enim videretur,
ut ad singulas patronorum secundum humanam conditionem
mutationes, Ecclesiarum ordinationes mutentur. verba sunt *c. quæ-
runtur. 9. h. t. Vid. Covarr. variar. resol. lib. 2. cap. 18. num.*
6. & seqq.

Q. An possit legari

14. Circa successionem non incongruè quæritur, An jus
patronatus possit legari? Pro affirmativa videtur facere, quod
quia de eo possumus testari. E. etiam illud legare. eadem enim ra-
tio est principalis, quæ accessorii, & legatum sequela testamenti.

Sed

Sed non obstat hoc negativa verior est, videlicet, quod non possit legari, nisi de consensu Episcopi, aut Pontificis. Cum enim legatum modus sit singularis, quo Jus patronatus acquiri non potest. *Ioan. Dilectus de art. testand. caus. 67.* testatori jus patronatus legatum suadet, ut cautus sit in obtinendo Episcopi consensu prius, quam leget, ne eo mortuo tale legatum inutile sit & nullum. Hoc tamen addit, quod consensus Episcopi etiam impetrari possit, post testamentum conditum, & vivente adhuc testatore. *c. suggestum 2. argum. c. cura 11. h. t.* Potest etiam hoc modo sustineri legatum, si relictum sit sub conaitione, si Episcopus consenserit. *Dilectus d. l. caus. 69. in fin.*

15. Septimo acquiritur DONATIONE, cuius consideratio respectu duplicis donatarii duplex est. Aut enim donatur laico, aut Ecclesiastico. Si laico, donatur cum consensu Episcopi. *c. ex insinuatione. 14. h. t.* ut scilicet ipse Episcopus videat, an expediat Ecclesie mutare patronum. Nam si vellet Jus patronatus donare potentiori seu tyranno, tunc Episcopus non debet consentire. *Ioan. de Selv. de benef. part. 1. quest. 5. num. 15.* Qui aliàs cogi potest ad consentiendum per Archiepiscopum, si nulla subsit causa dissensus. *Panor. in c. nullus. 13. h. t.* Si verò Ecclesiastico fiat donatio, intuitu Ecclesie Episcopi consensus non requiritur, quia clerici si terminos excedunt, facilius corrigi possunt per Episcopum, quam laici, quam diversitatis rationem assignat Paulus de Citad. *de Iure Patron. part. 9. num. 10. in fin.* De non necessario consensu in donatione Ecclesiastico facta textus est. *in c. 67. laicus c. de t. Parr. 116.*

16. Circa PRÆSCRIPTIONEM maxima est Doctorum omnium dissensio. Pro qua felicius solvenda sequentes pono conclusiones. 1. In Ecclesia libera jus patronatus præscribi non potest, nisi annis quadraginta, accedente bona fide & iusto titulo, *c. si diligenti 17. de præscr. Innoc. in d. c. 17. ad verb. titulus. & gl. ibid. ad verbum: Iustus titulus. sine titulo tanto tempore, cuius non extat memoria. c. 1. de præscr. in 6.* 2. In patronata Ecclesia præscribitur Jus patronatus annis X. vel XX. pro ut reliqua jura. Non enim per talem præscriptionem conditio Ecclesie fit deterior, sed patroni prioris, qui excluditur ab illo iure,

per præscriptionem alterius. *Galb. de præf. partis r. part. 5. princip. quæst. 9. num. 4.* Et acquisitum possessio Jur. Patr. per unicum solummodo præsentandi actum, ut est apud *Guil. de Bened. ad c. Raynurius. de testament. super verbo: Et uxorem nomine. decis. 1. num. 25.* ubi etiam ulterius progreditur dicendo, quod, quia semper præsumatur, beneficia suos habere fundatores & dotatores, etiam contra Ecclesiam liberam à laico Jus patronatus acquiratur, per unicum actum, etiamsi aliter non probet. in quo tamen ipsi non consentiunt per *c. omnes basilica 16. quæst. 7.* Addenda est 3. quod patronus compatronum suum, vel ipsa Ecclesia, aut Episcopus patronum à Jure Patr. excludere possit, per prohibitionem, accedente patientia compatroni, & legitimo temporis curriculo, pro ut illud in servitutibus observatur negativis. Hanc præscriptionis materiam per aliquot pag. & conclus. latè prosequuntur *Covarr. ad Reg. possessor mala fidei. in 6. §. decim. p. 1. & Galb. d. loc.*

An jus patronatus permutatione possit acquiri *vid. Guid. Pap. decis. 374.* Item, an jus patronatus competens primogenito, transeat in emptorem. *vid. apud Tiracq. tract. de primog. fol. 447.* Ubi plures de hac materia enucleat quæstiones. it. ad l. si unquam *c. de revoc. donat.*

Effecta.

Onus.

*Honor qui
est in
Præsentatione.*

17. His modis iure patronatus acquisito, transeunt etiam in acquirentem iuris patronatus adiuncta: quæ potius effecta vocabis. Onera videlicet, honores & emolumenta. Onus præcipuum consistit in hoc, quod patronus pro Ecclesia patronata sollicitudinem gerere, ab omnibus oppressionibus illam pro posse defendere, & procurare debet, ne bona eius dilapidentur. *c. filius 16. quæst. 7. Innoc. in rubr. h. t. c. quicumq. 16. quæst. 7.* HONOR consistit in tribus. 1. In PROCESSIONE, quæ debetur patrono in Ecclesia patronata *c. nobis 25. h. t.* 2. In SEPULTURA, quæ patrono honestior præ aliis concedenda. 3. Potissimum in PRÆSENTATIONE, de qua paulò fusiùs. Præsentatio autem nihil aliud est, quàm nominatio facta à patrono instituendi ad beneficium vacans. Ubi considerandum, quale valet beneficium, ut secundum eius qualitatem persona sufficiens & idonea

nea præsentetur. *c. grave 29. de prob. c. relatum 3. in fin. de concess. prob.* Idoneitas autem consistit 1. In legitimis natalibus. Cum enim Ecclesiæ honestas maximè deformatur ex eo, quod non legitimè nati, ad dignitates, personatus, & alia beneficia, curam animarum habentia, promoventur, PP. GREGORIUS IX. in *c. fin. de fil. presb.* districtius inhibuit, ut prædictis personis, à dignitatibus, personatibus & huiusmodi beneficiis amotis, ea personis legitimè natis conferantur. *c. ut filii. 1. cl. t. cum seqq. aliq. Tholos. de benef. Eccles. c. 35. per t. Gabriel. Palaorus. S. R. E. Card. lib. de nobis spiritali, filius c. 57. & seqq.*

Nihil tamen prohibet, quin pro diversitate beneficiorum vel Papa, vel Episcopus, ob insignem morum honestatem, & literarum scientiam, unde maxima ad Ecclesias proventura sit utilitas, accedente insuper aliorum legitimè natorum idoneorum penuria, dispensare non possit. *t. r. de filiis presb. in 6.* Ubi notandum, dispensationem natalium pro beneficiis obtinendis expressè fieri debere in ordinatione, non enim inducitur ex collatione simpliciter facta. *gl. ad c. un. in verb. dispensare, de etat. & qual. prefic. in 6.* Et dispensatio fieri debet ab eo, qui super hoc potestatem habuerit. *c. fraternitati 2. de schism.*

18. 2. Consistit idoneitas in ætate legitima coniuncta cum scientia literarum, & gravitate morum. *c. grave 29. de prob. c. cum in cunctis 7. in pr. de elect.* Indecorum enim est, ut hi debeant Ecclesias regere, qui non noverunt gubernare seipsos, cum ad Ecclesiarum regimen tales admittendæ sint personæ, quæ discretione præmineant, & morum præfulgeant honestate. *c. indecorum 3. de etat. & qual. pref. cum c. seq.* Ut vetò sunt varii beneficiorum gradus, quorum unus altero dignitate præstantior: ita & ætas præficiendorum non una est & eadem. In genere, nullius Ecclesiæ regimen minoribus XIV. concedatur. *d. c. indecorum.* quanquam non minus etiam hæc in parte dispensari possit, prout talis casus ponitur in *c. ex ratione 2. de etat. & qual.* ubi pueris, qui sunt intra decennium constituti, Ecclesiæ fuerunt concessæ, quæ tamen non per laicos, sed clericos disponebantur usque ad ætatem iustam. *t. r. de etat. & qual.*

B, 3 Quod

Quod attinet ad LITERARUM INSCITIAM, notandum est, illam non solum obstatæ præsentando & instituendo, sed etiam (si ita enormis sit) jam promotum deicere. *c. fin. de etat. & qual.* Ubi Episcopus Grammatices ignarus ab administratione Ecclesiæ penitus fuit remotus. Scientia tamen in quibusdã beneficiis maior, in aliis minor exigitur, in omnibus sufficiens esse debet oneri & dignitati, ad quam quis promovendus est. Et si enim desideranda sit eminens scientia, competens tamen toleranda. *c. nisi cum pridem 10. §. pro defectu. de renunc.*

19. MORES PRÆSENTANDI sunt irreprehensibiles, sine crimine, ex quo scandalum possit oriri, ut sunt rei adultærii, periurii, homicidii, falsi testimonii, &c. quæ crimina proposita, si ordine judiciario comprobata, vel aliis notoria fuerint, prohibent ordines sacros accipere, vel in acceptis administrare, *c. fin. de temp. ordinat. Nov. 123. c. 11.* Generaliter quamvis infames ad beneficia non possint vocari *c. inter dilectos 11. de excess. præl. cum infamibus portæ dignitatum non pateant. reg. infamibus 87. de R.I. in 6.* tamen infamia superveniens non semper privat dignitate infamatum, nisi interveniat sententia. Semper autem impedit habere beneficium de novo. *Boër. in addit. ad d. Reg. 87. c. super hiis 16. de accusat.* Quia per patientiam multa tolerantur, quæ si in iudicium venirent, reprobandentur. *c. cum jam dudum 18. de præb.*

20. Porro ratione personæ præsentandæ memoria tenendum, quod nullus patronorum ad vacantem Ecclesiam, in qua jus patronatus obtinet, se ipsum possit præsentare, quantumvis idoneus sit, quibuscunque studiis & meritis juvetur. *c. per nostras 26. h. r. c. cum ad nostram 7. de institut.* Debet enim inter dantem & accipientem personalis esse distinctio. *d. c. 26.* Sed filium suum, aut nepotem bene potest, ut tenet *Chassan. cons. 17. num. 12.* per multa jura ibid. alleg. Quod tamen non procedit in eo, ubi quis emit jus patronatus, ob eam duntaxat causam, ut filium suum præsentare posset. *c. quia clerici. 6. de iur. Patr. Laur. Kinch. cent. 3. opin. com. concl. 73.* Simonia enim committeretur.

20. Modi præsentandi tres sunt. 1. Ut fiat justo tempore. Quod tempus pro diversitate patronorum etiam variat. Laicis concessi sunt menses ad præsentandum quatuor: clericis verò sex. *c. cum de*

de iure patr. in 6. Ratio quare longius clerico, quàm laico ad præsentandum conceditur tempus, adducitur à gl. in d. c. un. quia grativatus in uno; relevari debet in altero. per l. eum qui 30. in pr. ff. de iurej. Cùm enim laicus habeat privilegium aliud, videlicet, quod possit in præsentatione variare, hoc est, nisi iam præsentatum Episcopus instituerit, mutata voluntate alium possit præsentare, quod clericis indultum non est. Hi enim præsentatione semel facta, amplius variare non possunt, licet ille præsentatus à diocesano institutus nondum sit. Sed locum hìc habet regula: quod ab initio est voluntatis, id ex post facto fit necessitatis. l. in commodato .7. §. sic a. 3. ff. commod. Ad hoc autem, ut clericus amplius variare nequeat, & præsentatio facta censeatur, requiritur præsentatio instituendi corporalis facta diocesano, nec sufficiunt literæ, in quibus denominatur instituendus. gl. & Dd. ad d. c. un. h. r. in 6.

Addite his, quod si contingat, duos esse compatronos, unum laicum, alterum Ecclesiasticum, regulari eo casu ius laici secundum Ecclesiasticum, per ea quæ tradit Felin. pro & cõtr. in c. 1. de præser. argumento l. si communem 10. in pr. ff. quemad. serv. amitt. Et hoc procedit etiam de casu, ubi plures sunt patroni laici, unus verò Ecclesiasticus, ut notat Rocchus de Curt. in verb. Ins. n. 24. tract. de iur. Patronat.

22. Secundus in præsentatione modus est, ut fiat de BENEFICIO VACANTE. Concessio enim, quæ de re non vacante facta est, de iure nullius esse potest momenti. c. illud. 8. h. r. Tertius modus est, ut fiat GRATIS, non interveniente pretio aut munere c. ordinationes. 1. quest. 1. ne simonia totum infirmer actum. c. per suas 37. cum duob. seqq. de simon. taliter etiam exacta duplicata restituenda. c. an divimus. 41. ibid. Tholos. de benef. Eccles. c. 39.

23. Probè tamen hìc notandum, quod per solam præsentationem, modo quantumvis legitimo factam, præsentatio ius plenum & tale non acquiritur, ut non requisita Episcopi institutione ubi præsumat, Ecclesiarum administrationem subire. Non enim patronus pleno iure confert, c. quod autem. §. c. illud præsumendum 8. & c. relatum 11. h. r. Sed quod inchoatum est à patrono, adprobari debet à diocesano, cognoscendo, an persona præsentata ad beneficium vacans idonea sit, & iufficiens, cum ratione morum, tum ratione.

tionem scientiæ literarum. Nullatenus enim inter Ecclesiasticos habendus est, si quis de manu personæ solius laicæ administrationem Ecclesiæ susceperit. *c. si quis deinceps. 16. quest. 7.* quia huiusmodi personæ non intrant per ostium, verum aliunde conscendunt, ac per hoc indigni sunt pastoris nomine, vel prærogativa gaudere. Commoniti beneficia resignent, aut nisi hoc fecerint, ab officio & beneficio alieni sunt, segregenturque, constituta etiam in eos laicos excommunicationis pœna, per quos Ecclesias obtinent. *c. relationum 21. h. t. c. si quis clericus. 16. quest. 7.* Non tamen exinde sequitur, Episcopum spreto patrono aliquem posse instituere, quia institutio absque consensu patroni facta, ipso jure nulla est. *c. decernimus. 16. quest. 7.* & nullius causa deterior debet fieri ex alieno facto. *l. omnib: mod. 1. in pr. ff. de alien. jud. mut.* Frenum iniecit Ecclesiasticæ huic institutionum jurisdictioni pax Religiosa de Ann. 1555 §. 5. Damit auch obverhrt. Ubi communi procerum consensu expressè sancitum est, in constitutionibus ministeriorum, in den Rtrichen Bestellungen / omnem omnium Clericorum Jurisd. Eccles. quo ad Ecclesias reformatas, suspensam esse, quod latius explic. *supr. thes. 7.*

Commodum

24. COMMODO juris patronatus summum est in eo, quod patroni eiusque liberi ad inopiam vergentes ali debent ex redditibus Ecclesiæ, *c. quicumque. 16. quest. 7.* habita ratione personarum, facultatumque Ecclesiæ, ut etiam ministri, qui altari servant, de altari vivere possint. *gl. ad d. c. quicumque. Ioh. Coras. de benef. cap. 6. num. 7.* Consideratio personarum facit, quod aliis maiora, aliis minora decernuntur alimenta. Rustici enim non vescuntur pane albo, & aliis cibis delicatis, sed cepis, fabis & pane grosso ut dicit *gl. ad l. servu. 99. in pr. ad verb. cibariu. ff. de leg. 3.* Nobilibus contra maiores assignandi sunt pro alimentis redditus. Alendus est autem patronus, in domo sua, non in Ecclesia, aut domo prebyteri, vel abbatis. *Petr. Rebuff. de cong. port. benef. num. 97.* Sed quæ actione patronus ab Ecclesia alimenta petere possit, id apud DD. non usquequaque expeditum est. Nos omissa longiori disputatione pro diversitate casuum diversas dari actiones statuimus. Aut enim tempore adificationis vel dotationis alimentorum loco certum aliquid est promissum, interveniente stipulatione, tunc datur conditio

dictio certi: aut promissa sunt quidem, sed non certa, tunc actio ex stipulatu competit: aut planè nulla promissa sunt, tunc condictionem ex c. quicumque 16. quest. 7. dari certum est.

25. Occurrit hìc dubium non exiguum. An videlicet alimenta omnibus patronis indifferenter, & quibuscunque modis ad inopiam redactis, sint ab Ecclesia præstanda? Ad quod respondemus, eiusmodi decoctoribus bonorum alimenta non deberi, ne ipsorum vitia aliis obsint, sibi ipsis verò prosint. Ratio quâ movemur, ducta est à beneficio debitorum moratorio, quod vulgò quinquennales appellant. Istud enim conceditur debitoribus non quibusvis, sed iis tantum, qui vel infortunio, vel aliis casibus maioribus, quibus resistere non potuerunt, solvendo non sunt, quod expressè sancitum est in Const. Imper. de Anno 1548. rubr. Von verborbenen Rauffleuten. *ibi.* diereil solche betrügliche / vnd schädliche Handlungen / die sich einem Diebstahl wol vergleichen / den gemeinē Nutzen zu nachtheil gereichen / so setzen / ordnen vnd wollen wir / dass solche Handthierungen vnd Gewerbsêue / so sie fürsorglicher vnd betrüglicher weise &c. Quales sunt, qui alea aut scortationibus bona sua dilapidarunt. l. 3. C. de aleat. & l. 1. C. de natur. lib. de quibus. vid. Azon. in sum. C. h. t. Quod si ergo huiusmodi prodigis, qui ubique malè in iure audiunt, beneficia denegantur saltem temporalia, quibus non debita tolluntur, sed exactiones illorum ad breve duntaxat tempus suspenduntur: multò magis his erit denegandum, qui genio & crapula indulgendo facultates suas profundunt, & ab Ecclesiis ali desiderant. Sacrilegium profectò committunt, qui cùm bonis suis sustentari potuissent, accipiunt quod pauperum est, & per abusum talium iudicium sibi manducant & bibunt. c. quoniam. 16. quest. 1. Ad finem hìc notabis in genere, quod, quamvis in Ecclesia collegiata ædificatori, aut fundatori jus præsentandi non competat, reliqua tamen ex hoc iure provenientia attribuantur, ut sunt alimentorum præstatio, honor processionis & sepulturæ. &c.

26. Ex jam dictis facilè est concludere, quæ sint juris patronatus ADIUNCTA. 1. Videlicet quod sit JUS SPIRITUALIBUS *Adiunctis* ADNEXUM. c. de iure 16. h. t. id est, non simpliciter Ecclesiasticum aut sacrum, nec simpliciter seculare, sed quodammodo sacrum, quodammodo seculare, quæ vocabula logici vocant ἀνάλογα. Quia enim

C

enim

enim laicis etiam competit, qui regulariter à dominio & possessione factorum arcetur, dicendum est, illud sapere naturam rerum temporalium. *Tholos. in syntag. l. 17. cap. 4. num. 2. Guil. Redoa. de simon. ment. p. 1. cap. 28. num. 1.* qui hanc adducit rationem, cur dicatur spiritualibus adnexum, quia sit præparamentum ad ius spirituale, id est, ad institutionem obtinendam. Et quod Ecclesiasticum sit, adparet ex consequentibus, videlicet quod non possit vendi per se, nec recipiat æstimationem precii. *d. c. de jure 16.* Ex quo secundum resultat adiunctum, videlicet quod sit **INÆSTIMABILE**, nec aliquo pretio valeat definiiri. Tertium, quod sit **INDIVISIBILE**, hinc hæredes succedunt non in capita, sed stirpes, & quamvis vel mille hæredes sint unius defuncti patroni, tamen intuitu defuncti pro una reputantur persona ratione voti in præsentatione. *c. un. hoc tit. in 6.*

27. Hactenus de modis acquirendi, itemque effectis & adiunctis: sequuntur nunc **MODI AMITTENDI**. Amittitur verò jus patronatus, aut in perpetuum, aut pro una vice. Pro una vice quis amittit. 1. Quando scienter indignum præsentet patronus Ecclesiasticus, non verò laicus propter beneficium variationis. Et de patrono quidem Ecclesiastico dubium non est quin pro ratione occurrentis præsentationis beneficio suo privetur, & ad Episcopum pro illa vice pleno jure transferatur. *c. cum Vintonensis 25. c. cum in cunctis 7. in fin. de elect. Tholos. in synt. l. 17. cap. 4. num. 13.* Sed an etiam laicus patronus pœnæ huic subiaceat, quæstionis est valdè controversæ? Paulus de Citad. in tract. suo de iur. Patron. part. 6. art. 7. num. 4. pro affirmativa concludit, dicens, quod patronus laicus, qui debeat Ecclesiam defendere, & omnem suam sollicitam operam intendere, ne operatio aliqua noxam attingat Ecclesiæ, scienter indignum eligens (rectius præsentans) dolosè faciat, qui dolus meritò sit coërcendus. Quanquam verò hæc sententia nitatur argumentis non levibus, pro qua etiam favor Ecclesiarum militat, de jure tamen sustineri non potest, ideoque rejicitur à *Modest. Pistor. conf. 44. quæst. 2. vol. 1.* & talis adducitur, videlicet quod laicus scienter indignum præsentans non privetur ipso statim jure, sed tum demum, si tamdiu in præsentatione sua perseve-

perseveraverit, donec tempus ad præsentandum concessum transeat. Et hanc opinionem defenderunt ante Pist. *Ioh. Andr. in c. cum vos 4. de off. jud. ordin. per c. perpetuo 7. de elect. in 6. Panorm. in c. cum in cunctis 25. §. fin. col. 2. de Elect.* Ubi dicit, quod quando pena imponatur à Jure ipso facto, nunquam habeat illa locum, nisi delictum fuerit consummatum, quantumcunq; inchoatum.

28. Secundò amittitur jus patronatus pro una vice, Si patronus tempus ad præsentandum concessum lapi passus fuerit, nec aliquem præsentaverit: tunc enim devolvitur plena potestas pro illa vice ex autoritate concilii Lateranensis in *c. sicut 1. & c. licet 3. de supplend. negl. pralat.* ad Episcopum, ut non expectata ulterius præsentatione patroni, idoneum beneficio vacanti præficere possit. *c. si verò. 12. h. t.* Et tempus hoc est continuo-utile, ut vocat Paul. *de Citad. part. 6. art. 3. num. 44.* quod incipit currere non à tempore vacationis: sed à tempore scientiæ, nec incipit currere impedito, putà per suspensionem, vel aliud impedimentum, ut est text. notab. in *c. quia diversitatem 5. de concess. prabend. Modest. Pist. d. conf. 44. quest. 7. & hoc respectu utile est.* Continuum verò est, quia, postquam quis scivit, beneficium vacare, etiam currit diebus feriatis, quia præsentare actus est divinis rebus inserviens, qui etiam diebus feriatis celebrari potest & debet. *arg. c. conquestus. 4. in fin. d. fer.*

29. Tertio amittitur jus patronatus per dissensum inter patronos, respectu personæ præsentandæ, aut juris, quòd quis patronorum compatrono suo fortè negat jus præsentandi competere. Nisi enim intra tempus semestre controversia fuerit determinata, licitum est Episcopo personam ordinare idoneam. *c. eam te. 22. h. t.* non expectato litis eventu. *Ioh. Bapt. Asinius, in lud. prax. §. 2. c. 12. num. 23.* Sin verò tales surrexerint inter patronos simultates, propter quas nolint sub uno presbytero Ecclesiam procurari, aut presbyter ab Episcopo ordinatus, officio suo canonicè fungi non possit, Episcopus, si aliter non potest, tollat inde reliquias, atque eiusdem Ecclesiæ claudat ostia, ut sacra nulla celebrentur in ea, donec ad concordiam redeant. *c. perlatum. 1. cum seq. 2. h. t.*

30. In perpetuum jus amittitur, vel per interitum Ecclesiæ patro- In perpetuum.

patronatz, vel per alienationem, vel per delictum, vel per renunci-
ationem juris. **PER INTERITUM**, si fortè Ecclesia incendio
consumpta fuerit, vel etiam tertæ motu, aut vitio suo corruerit. *ar-*
gum. §. ult. Inst. de usufr. l. repeti. §. §. rei 2. ff. quib. mod. usufruct.
amitt. Dd. ad c. monasterium 2. de relig. domib. Cùm enim jus patro-
natus consistere non possit nisi in corpore, Ecclesia videlicet, ipsa
pereunte, necesse est etiam jura eius periri. **LIMITATUR** hæc
regula casibus duobus. 1. nisi patronus suis sumptibus Ecclesiam
reædificaverit, accedente consensu Episcopi, tunc enim ex nova re-
ædificatione jus patronatus redintegratur. Non tamen minuitur
ex hoc Ecclesiæ interitu totali, jus patronatus fundatoris, fundo,
aut dotatoris, dote salva existente, manent enim compatroni re-
dificantis. *Roch. de Curt. ad verb. construxit. num. 13.* Sed præfeten-
dus est in reædificatione prior patronus extraneis, imò ab Episco-
po monendus, ut si velit, ipse reædificaret. *argum. c. potuit fin. de*
locat. & argum. l. necesse. §. ff. de in diem add. Ubi venditor, necesse
habet, meliorem allata conditione, priorem emptorem certiorum fa-
cere, ut si quod aliud adiecit, ipse quoque adiiciat, & ita rem, aliã
transituram, servet. 2. Limitatur, si unus sit patronus, qui Eccle-
siam ædificaverit & dotaverit simul, licet enim illa totaliter dirua-
túr, modò dos permaneat, nihil impedit, quo minus etiam secun-
dæ Ecclesiæ patronus existat: etiam si in alio loco, ac priore, reædi-
ficetur. Dos namque Ecclesiæ deservit secundæ, sicut deserviebat
primæ, *Innoc. in rubr. h. r. per text. notab. in c. 7. de relig. dom.*

31. **PER ALIENATIONEM** amittitur modis supr. in ac-
quirendo adductis, ultra quos est etiam permutatio, cum alio iure
spirituali facta. *Host. in sum. h. r. §. qualiter transferatur, arg. c. ne-*
mins 16. q. 7. Per **RENUNCIATIONEM** vel remissionem non solum
alicui compatronorum, sed & ipsi Ecclesiæ factam per sententiam
vel adiudicationem iuris patronatus, aut per se, aut cum universita-
te factam *Paul. de Citad. part. 9.*

32. **PER DELICTUM** amittitur variè: primum delictum
est, si patronus propria manu, aut per tertium procuravit
Episcopum, vel eius Ecclesiæ, cuius patronus est, ministrum occi-
di, in tantum, ut nec is, ne hæredes eius usque ad gradum quartum
admittantur. *c. in quibus. pen. de pen. 2.* delictum est hæresis aut
apost.

apostasia. Cùm enim hæretici & apostatæ ab omni Ecclesia separati sint communione. *c. ad abolendam 9. in pr. c. excommunicatus. 13. de hæret.* & bona illorum ubique confiscantur. *c. vergenti. 10. d. c. neutiquam concedendum est*, hoc unicum ius ipsis reservari integrum, cæteris omnibus deperditis, præsertim cùm sit spirituale, hæreticus autem contra spiritualia delinquat. Occasione confiscationis, cuius hîc mentio facta est, Dd. quærunt, an ius patronatus ita simpliciter veniat in confiscatione? quod affirmat *Guil. de Bened. ad c. Raynatum, de testam. sup. verb. Et uxorem nomine Adelasiam, decis. 5. n. 280.* Contrarium tuetur *Decius ad c. quantum 3. de iud. num. 7. & M. Antonius Peregr. de iur. fisci. l. 5. tit. 1. num. 72. & 121.* qui dicit, quod ius patronatus in extraneos transmissibile, etiam ad fîscum transeat, non verò non transmissibile.

33. 3. Delictum est **LÆSA MAIESTAS**, cuius sententiæ fundamentum ex præcedenti desumitur, quo ipso etiam utitur PP. **INNOCENT. III.** *in d. c. vergenti. 10.* Quia enim secundû legitimas sanctiones reis læsæ maiestatis capite punitis bona confiscantur, filiis eorum vitâ solummodo ex misericordia conservata, etiam quia universitas transfertur, ipsum ius patronatus transit accessorie. *gl. in c. filium 16. quest. 7. Paul. de Citad. part. 9. art. 20. n. 28.* contra *Roch. de Curt. in verb. Ipse vel is, quest. 20.* contrarium asserentem. Conatur Hieron. *Gigas de crim. læs. maiest. quest. 4. num. 4.* contrarias duas has opiniones sic conciliare, quod prima procedat, donec condemnatus vivat, ut scilicet eo vivente Episcopus præsentet. posterior verò locum habeat defuncto condemnato, & transeat tunc in hæredes *per jur. ibid. cum ul.* Malè tamen.

34. 4. Est omne delictum, cuius pœna est, excommunicatio major, maximè in clerico. *Dom. de Rota decis. antiq. 160.* Quia excommunicatio maior à cœtu fidelium, *c. si quem 59. de sent. excomm.* & ab omni actu legitimo separat & arcet. *c. Engeltrudam. 13. quest. 4.* Satis manifestum est, excommunicationis pœnæ in nodatis, ius patronatus competere non posse. In omnibus tamen amittendi modis ex delicto observandum est, filios ex delicto patris iure suo non privari, nisi tale sit cuius vel filius etiam participet, aut in quo metuantur hæreditarii criminis exempla quale est **Crimen læsæ Maiestatis.** *l. quisquis 5.* Item si quis clericum ver-

deraverit, aut crimē hæreseos, per jura sup. alleg. Hæc quoad Jus Canonicum ex d. c. *vergentiu.* Civile mitius hac in parte cum filiis hæreticorum procedit, eos namque non statim & nullo respectu adhibito, spe paternæ hæreditatis privat, sed tum demum, nisi à paterna pravitate sint alieni. l. *Manichæos.* 4. §. *sed nec filios* 6. C. de *hæret.*

35. Ultimò amittitur per ædificationem sine consensu Episcopi factam, quodd excluso jure patronatus cum dotibus suis Juribus applicatur Episcopalibus, nisi fortè alicui noceat, tunc enim destruenda Ecclesia. c. *nobis.* h. t. §. *diversum.* Inst. Can. de *Const. conf. Eccl. vel alt.*

*1^{us} fori
fori*

36. Hactenus de modis amittendi, restat ultimum disputationis membrum, Usus videlicet forensis, in quo potissimū est forum competens, & illud pro ratione temporum & locorum varians. Quod enim pertinet ad illa tempora, quibus omnia erant sub Pontificatu, causa juris patronatus non nisi Ecclesiastico judicio poterat definiri, propter connexitatem cum spiritualibus. c. *quanto* 3. de *judic.* Quæstione ergo vel inter compatronos, vel Ecclesiam, aut patronum, ob denegata fortè alimenta, orta, judex erat competens diæcesanus. c. *decernimus.* 2. de *judic. sanè.* si patroni diversarum sunt provinciarum, lis debet tractari coram illo Episcopo, in cuius provincia patronata sita est Ecclesia. c. *sanè.* 3. de *for. compet.*

37. Aliud tamen querendum est forum competens, controversia inter patronum & Episcopum orta. Cū enim in propria causa nemo possit esse persona simul litigans & judex. l. *generalis* i. n. nic. C. *ne quis in sua caus.* l. *quiquis.* 6. in pr. C. de *postul.* adeundus est iudex superior, Archiepiscopus videlicet, qui inter utrumq; litigatorum simpliciter, de plano, & sine strepitu iudicii jus dicat. Cl. 2. de *judic.* Veruntamen, licet hi sint regulariter iudices competentes: tamen quia Romana curia mater est & magistra omnium Ecclesiarum, etiam in p̄ima instantia causa hæc rectè agitur. c. *liceat* fin. de *for. compet.* Tholos. de *benef. Eccles.* c. 40. p. 1.

38. Hodiernis diebus, quib. Episcoporum iurisdictio quoad protestantes est suspensa. Const. Imper. de Anno 1555. de *pac. religiof.* §. *Darff* it auch obberihret: alii inter eos iudices sunt constituendi, quod